

July
2016



KRISTIAN THALAI



Vol. VII No. 5

Kristian Thalai Pawl Chanchinbu thla tin chhuak



CKTP Orientation - cum - Retreat



Mizoram Synod Choir (2016 – 2018)



Durtlang Bial K.T.P. Diamond Jubilee – 27 – 29.5.2016



Zemabawk Branch K.T.P. Diamond Jubilee – 8.5.2016



Zemabawk North Bial Leadership training – 21.5.2016

Kristian Ṭhalai Pawl chanchinbu thla tin chhuak**1970-a chhuah ṭan ■ Kum 46-naa vawi 7-na ■ Chhuah tawh zat : 453****Editor :**

Lalchhuanliana

Joint Editors :

Lalhnehzova

Lalfamkimi

Lalmuanawma

Dr. David C. Vanlalfakawma

Manager :

Lalmuanpuia

A lak man :

Kum khatah - Rs. 60.00

Copy khat - Rs. 5.00

*Thu chhuah tūr nei chuan Editor,
Kristian Ṭhalai, Synod Office-ah thawn
tūr a ni a; a la duh chuan KṬP Office-ah a
man pèk lâwk a ngai.*

Office Phone : 9436142398**E-Mail :****kristianthalai@yahoo.com****centralktp@gmail.com****KRISTIAN ṬHALAI PAWL****Thupui**

Rawngbawl tūra chhandam

Thupui inngahna

Ephesi 2:10. Thil ṭha ti atán
Krista Isuaah chuan siama awmin,
ama kutchhuak kan ni si a, chu thil
ṭha tih chu kan awmna tūrin
Pathianin a buatsaih lâwk a ni.

Thiltumte

1. Isua Krista rinna leh amah anna
kawnga ṭhalaite hruai.
2. Kohhran kutke ni tura ṭhalaite
buatsaih.
3. Kohhran hnathawh tihpuitlin.
4. Krista Chanchin Ṭha puan
darh.

A CHHUNGA THU AWM

1. Editorial	2
2. Kristian Ṭhalaite leh Bible	3
3. Biak In zahawmna vawn him chungchang	7
4. Ka vei záwng thil pathum	12
5. Rinna	16
6. Work Camp report : Khahchangpara	19
7. Rimawi – Zaipawl leh a tehna	21
8. Hriselna – Ngawr	25
9. Kantu – Muallveng Branch	27
10. Keimahni	29



Kristian Ṭhalai Pawl hian thiltum leh inngahna fel tak kan nei a, chumi tihlawhtling tur chuan kawng hrang hrangin hma kan la ṭhin a, kan la mek a, kan la zel daww a ni. Chu kan thupui, thiltum leh inngahna chu engtin nge kan ngaiha, keimahniah thu a sawi ṭhin? KṬP rawngbawlna hi kan thiltum kan tihlawhtlin leh tlin lohvah miten min teh a ni tih kan ngaihtuah ngai em?

Chu kan thiltum tihlawhtling tura kan thawhnaah miten engtin nge min hmuha, KṬP member kan nih a lanna ber chu eng nge ni ta? Miten tu nge a ni min tih? Kan chenpuiten eng hmuhin nge min hmuha, kan ṭhianten eng ngaihin nge min ngaih? Kan hnathawhpuite hian KṬP tak keimahniah hian an hmu em?

Miten KṬP member min hriat dan chu – ringtu entaww tlak tak te, ngilneihna ngah tak te, Chanchin Ṭha puan darh ngai pawimawh tak te, kohhran hnathawh tipuitling tura kohhran kutke ṭangkai tak te, a chang changa inkhawma thilpekte pawh pe ve ṭhin te, sawisel ngam loh te, peih loh ngah em em te, chhuanlam siam thiam tak te, mi rel ching tak te, lansarh tum tlat te, thatchhe em em te, tihpui nikhuuaa lo lem ve mai thei te, kohhran leh rawngbawltu sawisel nuam ti viau tein min hria a ni. Kei hi engtin nge min hriat ve tiin kan ngaihtuah ṭhin em?

KṬP hmai tibaltu nge kan nih, mi dangte tel ve chakna khawpa siamtu? Mite fak hlawh duh wang emaw, loh theih lohva ngaia tel ve mai mai kan lo ni ṭhin a nih pawhin, rilru thar nen ṭhahnemngaia kan thiltum leh thupui tihlawhtling tura ṭan lak sawh sawh hi kan bat a ni si a. Rilrua hriatna mai ni lova, nuna lan chhuahtirtu KṬP member nih i tum tlat ang u.

Tunlai khawvelah hian member tin mai hi soal ni anga lang laka kan inthiarfihlim mai hi a taww tawh lo va, thil ṭha tia, mi dangte Lalpa hnena hruai thleng tur leh kohhran hnathawh tipuitling tura ṭan kan lak lehzuah hi a ngai tawh takzet a ni.

KṬP member kan nih awangin miin ti tura min duh leh ti lo tura min beisei a awm a, keimahni ṭheuhvah hian tuin emaw kan lu chungah kut nghatin nun dan dik/mawhphurhna min hlan kher lo a nih pawhin, rawngbaww tlak nihna Pathianin min pe a ni tih i hre reng ang u.



KRISTIAN ṬHALAITE LEH BIBLE

— Rev. V.L. Krosschuanmawia
ATC, Aizawl

*I thu hi ka ke atânte hian
khawnoar a ni a,
Ka kawng atân eng a ni.*

(Sam 119:105)

Pathian thu (Bible) hi Pathian hnathawh leh thiltih ropui te, amah leh a mite nena an inlaichinna chanchin te leh a inpuanna bu, thu nung leh thiltithe i a ni a. Abraham Lincoln-a chuan, "Pathianin mihringte hnena a thilpek ropui ber a ni," tiin a sawi hial a ni. A luhchilh thuk apiangin a chhunga hlutna chu an hai chhuak nasa mai a ni. Kum za tam liam tawh mah se, a hlutna a chuai thei chuang lo. Chutih lain ṭhalai zingah Bible ngaihhlutna hi a tlahniam tial tial ta em ni a tih theih. Hetiang hian i lo ngaihtuah ho teh ang u.

**Hnam ropuite ropuina
thuruk chu**

Khawvel ram ropuite hian an ropuina innghahna hi Pathian thu, Bible a ni an ti ṭhin. British sawrkar chu kum zabi 18 leh 19-na chhovah chuan an ropui takmeuh va, ni tla seng lova roreltu tih hial an ni. Khatih hun laia chanchin ṭha hril leh kohhran phunna lama an thawh nasat dan kha ropui tak a ni. Africa lal pakhatin Queen Victoria-i hnenah an ropuina thuruk a zawt a. Lalnu chuan, "Kan ropuina thuruk chu he Bible hi a ni," a ti. Nimahsela, Kumpinu sawrkar ropuina pawh tunah chuan a lo tlahniam ta hle mai. A chhan tam tak awm thei zinga langsar tak pakhat chu Kristianna a tlahniam a, Kristian pawh 60% chauh an lo awm ta. US ropuina thuruk chu an national motto – "In God we trust' tih hi a ni. US President pasarihna, miten

People President an tih hial Andrew Jackson-a chuan a tih dawn hnaih chuan, an chhungkaw Bible chu enin amah enkawltu a doctor hnenah chuan, "Kha lehkhabu kha, ka pu, kan ram rorelna innghahna lungpui a nih kha," tiin a sawi. Pathian thua innghat chungin miten ram ropui an lo din thin a ni.

Mi ropuite innghahna chu

Mi ropui kan tihte innghahna pawimawh tak chu Bible a ni fo mai. Kristiana Vanram Kawng Zawh ziaktu John Banyan-a khan, "Bible hlatin ka awm ngai lo," a ti a. Missionary ropui John Wesley-a chuan Bible chungchang sawiin, "Kei chu lehkhabu pakhat (Bible) ta ka ni," a ti baw. US President hmasa ber George Washington-a chuan, "Pathian leh Bible tel lo chuan khawvelah dik takin ro a rel theih loh," a ti baw. Napoleon-a chuan, "Chanchin Tha bu hi lehkhabu a ni mai lo, thu nung, a taka hnathawk thin leh thiltitheh tak a ni...Chu chu he dawhkanah hian a

awm. Thil dang zawng zawng aia tha chungchuan a ni. Ni tin lawmna thar nen ka chhiar thin avangin chhiar ka thulh ngai lo," tiin Bible a ngaihhlut-zia a tar lang a ni. Mi ropui tak takte hian an nun innghahna lungphum atan Pathian thu hi an lo hmang thin a nih chu.

Nun kaihruaitu chu

Eleanor Schmidt-i thil tawn, Reader's Digest-a an chhuah hi a ngaihnawm ngawt mai. A zaitu tur doctor a va hmuh chuan ngunthluk takin Bible a lo chhiar mek a. "... Ka aw ka'n thian kaw k a, ani pawh chuan a Bible chhiar chu khupin ka lam a lo hawi a. Kei chuan, 'Bible chhiar khan mi i zai lai leh a hnuah a pui che tihna a ni ang maw?' ka han ti a. Ka hlauhthawanna chu a tawngkam dam tak chuan a tikiang vek mai. Tawngkam khat chauhvinn, 'Ka zai chhung pawhin,' tiin min rawn chhang a," tiin a sawi a ni. Kan hnathawhna hrang hrangah hian min kaihruaia, min veng, kawng min kawhmmuh theuh nan

Pathian thu hi a va ðangkai tak em! Kan ke chheh min kaihhruaitu leh kan kawng min tihênsak turin (cf. Sam 119:105) Pathian thu, Bible hi kan mamawh a ni.

Kan nun min chelh tlattu chu

Ringtu nun hi a hlimawm leh a nuam chauhvina kal thei lo, harsatna leh manganna tam tak paltlang ngai a awm ðhin. A chang chuan kal ngaihna hre hauh lova kan ðhut chawt chang pawh a awm thei. Hma lam beisei tur awm ta lo em maw ti hial khawpa nun beidawn pawh kan nei mai thei. Chung hun zawng zawnga kan nun min chelh tlattu tur chu Pathian thu nung hi a ni. A chhan chu Bible chuan chutiang tan ina kan awm lai pawh chuan tukverh thar, he lei piah lam ram min thlirtir thei ðhin. Timothy Dwight-a pawhin, "Bible chu he khawvel tan inah hian tukverh a ni a, chumi kal tlang chuan chatuan thil min thlirtir thei ðhin a ni," a lo ti a ni. Sam ziaktu chuan, "I chung a thil ka tihsual loh nân i thu chu

ka thinlungah ka khawl khâwm a," a lo ti a (Sam 119:11). Sual laka min vengtu tur, kan nun hruaitu atan Pathian thu Bible hi kan mamawh a, kan thinlunga kan khawl khawm a ðul a ni.

Kan mamawh Bible chu

Electronic thil hrang hrangah hma kan sawn a, kan hun tam tak a la ta tih phat rual a ni lo. Ei leh bar, sum leh paia hmasawn tumin kan hman hlel bawk. Mahse, kan nun mamawh ber leh innghahna tur, Pathian leh a thu hi ngaihthahin a awm ang tih a hlauhawm. Christian Today journalist pakhat Carey Lodge-a'n March 13, 2014-a a tar lan dan chuan, ðhalai 70% chuan Bible an chhiar ngai tawh loh thu leh, tleirawl 30%-ten thla khatah wavi khat vel Bible an chhiar ðhin tih thu a tar lang bawk. Keini Kristian ðhalaite dinhmun hi eng nge ni ve ang le? Kan ramah mahni inthat, rilru buai, nun beidawng leh depression kan tam tial tial hi Pathian thu ngaihthaha thil dang – khawvel thil kan

buaipei nasat vang a ni thei ang em? Heng zawng zawng laka min vengtu tur Pathian thu, Bible ngainat thar hi kan ram Kristian thalaite mamawh a ni.

Bible i ngaina thar leh ang u

Miten an hmang thangkai ti thih mah ila, mahni ngeiin hman thangkai a ngai. Hmang thangkai tur chuan mahni ngeiin luhchilh a ngai. Philip Brooks-a chuan Bible chu telescope nena tehkhinin, "Miin telescope hmanga thil a en chuan khawvel piah lam daih a hmu thei thih; mahse, telescope chauh a en chuan thil dang eng mah, telescope bak chu hmuh tur a awm lo. Bible hian kan hmuh theih

phiah lam min hmuhtir thih a; mahse, mi thenkhat chuan amah mai hi an zu en a, thunung lo hmuhin an zu hmu mai thih a ni," a ti. Khandaih hriam tawn aia hriam zawk thu thiltitheh, hmelma ngam loh thlarau ngunhnam Pathian thu hi mahni ngeiina hman a ngai. George Muller-a'n, "Bible chhiar ka ngaih pawimawh hnua malsawmna ka dawn hi danglam tak a ni. Bible hi wawi 100 chuang ka chhiar chhuak tawh a, chu chuan hlimna leh lawmna min siam belh zel a ni," a ti. Thu nung leh thiltitheh Pathian thu hian kan nunah awmzia a neih theih nan Pathian thu, Bible hi i ngaina thar zel ang u.



■ *A tlangpuia a lan danah chuan mi tu pawh hi fianriala an thawngtaina hun hman dan letling chiahin mi dang zingah an thawngtai thih. Fianrial thawngtaina hun hmang nasa chu mi zingah an thawngtai thui ngai lo va, fianrial thawngtaina hun hmang tlem erawh chu mi zingah an thawngtai rei chawh a ni.*

– D.L. Moody

■ *Sipai lumum pakhat hi a piangthar a, chhandamna a chan ve tak avangin a lawm em em mai a. A pindana amah chauhva a awm lai chuan kawngkhar chu an rawn kik dawt dawt mai a, a han hawon chuan an Colonel (kawrnel) a lo lut hlawt mai a. "I thawngtai elo? Hun rei tak chung chu ka bansan tawh asin! Ka mamawh zawng zawng ka nei a, eng dilyn nge ka thawngtai teh lul ang?" a ti a.*

Sipai lumum chuan, "Ka pu, i vannei hle mai! Pathian hnena lawm thu sawina tur i va han ngah tehreng ve le!" a lo ti a.

Biak In zahawmna vawn him chungchang

— Upa C. Sangzuala
Chalalang South

Rhawhar lenpuinaa zai a tui deuh tawh chuan pa thenkhat chuan intibengvar fahrarin khawhar lenpuitute mitmei lovin an thutthlengte an pawh chhuahsak zung zung thin. Kohhrana phurna, zai phurna a lo thlen chang pawh hian Biak In thutthlengte hi a tuartu an ni duh hle. Hetiang nikhuaah hian pulpit leh biak in chhunga thlarau lam nau hrin lo tum ta mai te pawh an awm a ni awm e. Crusade denchhena speaker thenkhat, inkhawm hruiatu ang maia an mi duh zawng sawm ve ta mai tawkte pawh awm a ni thin. Thutthlengta sawi bel te, biak in chhuata hmawmsawm nawi tla hmuh tur awmna hmun pawh a awm. Mi thenkhat rilruah chuan biak in hi khawhar in leh community hall nen a lem chuang lo a ang viau a ni. Biak in chu Pathian biakna hmun, hmun thianghlim leh zahawm

danglam bik a ni si a. Lenkhawmna leh nau neihna hmun a ni lo tih hriat a tha ang. Biak in zahawmna vawn him chungchang hi inzirtira inhriattir thin te hi a ngai chho reng dawn a ni mai thei.

Kristian biak in hmasa ber

Kristian kohhran a lo din khan anmahni pualin biak in an nei mai lo niin a lang a. A tir takah pheh chuan Tempulah an inkhawm ve a ni mai thei. Hun kal zelah chuan mi mal inah leh hmun remchangah an inkhawm thin a ni ang. Lal Isuan Pathian chu hmun tina biak theih tia a sawi vang pawh a ni mai thei e (Joh. 4:21). Hmun hrang hrangah kohhran a lo ding ta a, khawchhak lama kohhran hmunpui pakhat chu Edessa a ni. Edessa lal Abgar VIII chu Kristian a lo ni a, a hun lai (A.D. 179-214) hian Edessa-ah biak in hmasa ber a lo ding ta a ni. He biak in hi A.D. 201-ah tuilianin a tichhia a, a sak hun tak hi sawi ni lo mah se, A.D. 200 hma lam eng kum berah emaw a nih a rinawm (Kohhran Chanchin by Rev. Z.T. Sangkhuma, Published by Synod Publication Board, p. 29).

Biak In zahawmna

Biakbûk din dan tur leh a hman dan tura Pathian duhtuiziate a chipchiarin kan sawi hman lo. Pathian in, Pathian ropui takin a mite a biakna hmun, mipuiten Pathian an biakna hmun a nih avanga hmun thianghlim leh hmun zahawm a ni a. Inthawina urhsun vawrtawp hlanna hmun a ni. Chumi ze ril thuk tak chu Biak In hian a rochung chho va, awmzia leh kalphung thar a ringtuten Pathian hnena inthawina thianghlim an hlanna hmun a ni. Biak In chu a thianghlim a, a zahawm a ni. Mi ropui inte mah zahawma kan ngaih chuan, Pathian In, Biak In chu mi ropui te in nen chuan tehkhin phak rual lohva zahawm a ni.

Biak In hmanna

Biak In chu kohhranhoten Pathian biak inkhawm nana an hman a ni a. Pathian biaknaah chuan ãawngtai te, Pathian thu chhiar leh sawi te, hla sak leh thu pawimawh puan chhuah te tih ãthin a ni a. Inkhawm chi hrang hrang a awm a, inkhawm panggai bakah thil urhsun bik – Sakramen inkhawm te, hun

pawimawh chi hrang hrang leh inneih inkhawm leh mitthi vui inkhawm te pawh a awm. Inkhawm chi hrang hrang hi a kalhmang inang vek lo mah se kohhran Pathian biak inkhawm a ni vek mai. Heng bakah hian inkhawmpui rorel nan pawh Biak In hi hman ãthin a ni.

Biak Ina thil awmte

Biak Inah chuan Pathian biao lo kalte mamawh chi hrang hrang dah sa vek a ni a. Betute ãhutna tur ãhutthleng fel taka rem ãhap a ni a, a karah kalkawng a awm a. Biakna hmanrua – khuang te, rimawi chi hrang hrang te chu hmun bik neia dah a ni a. Mipui ep zawngin maicham te, pangpar khawina te, lectern te hun a ni a. Pathian thuchah puanna atan sang bik takin pulpit a to lur bawk a. Presbyterian-ho kalphungah chuan maicham hnaivaiah Kohhran Upate ãhuttir an ni ãthin. Hei hi inrawn ãtul chang atana remchang siamna a ni ang. Biak In chhunga biakna atana pawimawh chi hrang hrang an awmna hmun tur taka fel taka dah leh rem ãhap hian Biak In hi a tizahawm nghal a. Heng zinga lak sawn

theih hmanrua leh bungruate hi a enkawltu committee thu lova lak sawn mai mai hi kohhranin a remti lo a ni. A awm dan pangngai ni lova thutthleng hun sawn mai pawh hian Biak In chhung a tihmelhem phak a ni. Biak Ina awm tura ngaih loh – tui botol chhawp leh ui hruai luhte pawh hian a zahawmna a belhchhah lem lo.

Biak in vawn zahawm nana pawimawhte

Biak In chhunga thil awm tur chi hrang hrang a nih dan tur taka nihtir, fel fai taka vawn leh enkawl hi Biak In zahawmna a nih phawt thu kan sawi tawh a. Hemi bakah hian sawi tur pawimawh kawng hrang hrang a awm thei ang a, chu chu a hman dan – biakna kalpui dan lam a ni ber ang.

Biakna hruai dan leh kalpui dan hi a bulpui ber a ni hial awm e. Lal Isuan Pathian biak chungchangah, “Pathian chu Thlarau a ni; a chibai buktuten Thlarau leh tihtakzetin chibai an buk tur a ni,” a ti a (Joh. 4:24). Mizoram Presbyterian Kohhran Pathian Biak Inkhawm Hruaina Bu chuan Pathian biak awmzia hetiang hian a sawi fiah a:

“Pathian ropuzia hriat chian avanga zah leh thih leh ngaina chungah amah chawimawi tura rawngbawl” tiin (P. 1). United States of America-a Presbyterian Kohhran chuan Pathian biak chungchang hi chipchiar takin an lehkhabuah an ziak a, tawi te han la chhuak ila: “Lalpa inah chuan zah taka luta thut tur a ni a. Rawngbawltute leh inkhawm zawng zawngte tana malsawmna dilin ngawi renga tawngtai tur a ni....Inkhawmnaa tel zawng zawng chuan zahna leh Pathian thihna an lantir tur a ni....” (The Book of Church Order; The Presbyterian Church in the United States, p. 131). Henga lo langsar zual chu Pathian ropuina leh zahawmna te, betute lamah urhsunna leh thih takna te hian ang.

Inkhawm hruaitu a lo ding a, thil dang eng mah sawi lova, “Pathian chibai i buk ang u,” tia Pathian thu urhsun leh zahawm taka a han chhiar hian mipui rilru chu biakna lamah a hruai nghal a. Biak In zahawmna pawh a keng nghal a ni.

Biak Ina biak honaah hian hruaitu hi a pawimawh hle a, zahawm tak leh nung tak sia inkhawm kaihrulaitu tur a ni. Bible chhiar leh tawngtaiah te,

inkhawmnaa chanvo nei sawm danah te, hla thlan thuaah te, hun vawn danah te hian a pawimawh fal bik a tih theih ang.

Chanvo neitu dang – Ṭantu, ṭawngṭaina hmangtu (ruat bik leh sawm an awm ṭumin), Thuhrlitu leh Zaipawl hruaitute pawh hi mipui baka mi pawimawh an ni a, an tih dan leh chet danin biakna leh Biak In a tizahawmin a tizahawm lo thei a, uluk taka ngaihtuahna hmang chungga chet a pawimawh a ni. Biak In enkawltu leh usher-te tak pawh hi an pawimawh khawp mai.

Ṭawng chungchang pawh hi sawi hmaih loh chi a ni. Chanvo neitu chuan a theih ang tawkin ṭawng dik si, Biak In nena inhmeh a hman a pawimawh a, Biak In hi ṭawng dik lo leh pawlawh thehdarhna hmuna hman palh a hlauhawm hle tih hriat reng tur a ni. Ṭawng dik rau rauah pawh sawi chhuah danah fimkhur a ṭul hle bawk.

Hla hi biakna peng pawimawh tak a ni a. Hla thlan kawngah uluk a ngai a, Biak Inah chuan kohhranin a pawm, Kristian Hla Bua mi, a thlúk pawh kohhranin a pawm hmanga sak hi a inhmeh ber a. Biak Inah chuan duh tui tluk a

awm lo vang. Hla sak rei zawng chung changah pawh hian a awm tâwk chu a awm mai. Lâмна lam chi kan sak hian tute emaw han lam ruih deuh hun nghak ang maia sak nawn sek te hi Biak In nen inhmeh berin a lang lo va. Chu bakah inkhawmhote dawhtheihna leh hun neih/neih loh dan te, hriselna chungchang thlenga ngaihtuaha nawn chin tawkhriat a ṭul bawk ang.

Incheina leh inchei dân pawh hi kori tu thei tak a ni. Biak In chu sakhaw thila hmun thianghlim leh zahawm a nih avangin, hetiang hmun leh huna thawmhnaw inbel awm chi leh inchei dan awm hi a awm sa mai a. Kohhran inkhawmnaa tel tur chuan chutiang chu hriat thiam sa tura ngai a ni. Thawmhnaw inbel tur leh inchei dan thuaah hian boruak awm danin kawngro a su thei a, chuti chung chuan mi pangngai chin tan a hmun leh hun nena inmawi chu hai chi a ni lo. Chanvo neite tan pheichuan inchei dan tur a chang sa reng a ni.

Hriat tur pawimawh dangte

Hetah hian kan thupui kaihhnawih kawng hrang hrang sawi tur a awm thei

ang, kawng hnih khat chauh sawi ila.

Lâm hi Pathian biakna chungchangah Bible-ah a lan tam lem loh vei nen, Biak In hi lâm nan kan hmang nasa ta hle a, ðhenkhat phei hi chuan kan ti dawklak a ni hial mai thei. Kan biak Pathian leh Pathian bia (chibai buk) kan ni tih theihngihl ðhaka lâm pawh a awm thei hial awm e. Biak In zahawmna tihmelhem thei khawp leh biakpui mi dangte rilru la peng khawpa che lo tura inven a pawimawh ve khawp ang.

Intihphûr tum hi ðangkaina chin awm bawk mah se, lutuk a awm thei ang. Phûrna ringawt hian a daih rei thei lo va, rei vak lo hnuah a chuai leh mai ðhin. Biak Ina Pathian biakna leh pawn lama Pathian chhal thova inpawl hlimna, a telte duh zawng leh nuam tih zawnga kan kalpui ðhin (Fellowship) danglamna hi hriat a pawimawh a. Pathian biaknaah chuan a laipui berah Pathian a awm a, fellowship-ah chuan a telte nuam tih zawng hi a lian deuh ðhin a ni.

Biak In compound leh a chhehvel hman dan hi fimkhur ngai tak a ni bawk. Tun hma, Krismas leh kum thar huna halpuah hal chin lai khan inkhawm laia Biak In hnaivaia halpuah hal ching an awm ðhin. Tunlai hian Biak In compound leh hall behchhana ei leh in buatsaih leh ðhehte kan ching ta hle a, chet mawi loh leh zu rim nam rum rum chang pawh awm palh thei a ni a, fet leh fimkhur a ðul hle ang.

Tlangawmna

Kan thupui chungchangah hian sawi tur a tam thei hle a, kan sawi tam fe chungjin sawi kim sen a ni lo. Ngaih dan leh ngaih pawimawh zawng pawh a thuhmun vekkher lo vang. Mahse, Biak In chu Pathian ropui leh zahawm biakna hmun a ni miau va, a nih dan tur chu a awm mai.

Biak In zahawmna humhim chungchangah hian kohhran hruaitute chu a pawimawh hmatawng an ni mai thei a. Mahse, Biak In hmangtu zawng zawngten mawh kan phur ðheuh tih hriat reng a pawimawh khawp ang.

He thuziak hi KÏP General Conference agenda atana lo lut, floor-a chhawp chhuah tak loh a ni a. Upa C. Sangzualan ziak tura kan sawmna a rawn tihlawhtling a, kan lawm hle a ni. – Ed.

KṚP General Conference:

Ka vei zǎwng thil pathum

– Chris M.S. Dawngkima
Ramhlun North

KṚP ruh takte chhiar mi chanchinbu a ni miau va, insúm lutuk bîk lovin ṭhahnemngaihna thu i han tlǎngaupui ve ngawt mai teh ang. A sâwt emaw sâwt lo emaw, ka vei ve miau va, up reng ai chuan han puah chhuahpui ve phawng mai ila, a damdawi ṭha tak pawh chhiartute hian in lo pai reng thei asin!

KṚP General Conference, 2016 hmang hǎw lam chu min uai rit êm êmtu thil pathum a awm:

1. Hruaitu Thlan Chungcháng

Kan inthlan dân leh kalphung hi duh khawp lohna thǎwm a lo ri tawh ṭhìn a. Chutih rual chuan “KṚP cháng rël a sual ngai lo,” tiin, “Palaiten Pathian ráwn chungan thlan tlin tawh chu hriak thih phu lo an awm lo vang,” tiin ka lo ṭang ve ṭhìn.

Tun ṭumah erawh palaite ká aṭang ngeia ka thu hriat ṭhenkhat hian eng emaw thlák danglam kan mamawh nia hriatna min pe thar ta tlat. Pakhat chuan, “Palaiin ṭum thum ka kal tawh a, Bial aṭanga nominee-te hi kan hriat miau loh avàngin ka hmelhriat pahnih khat ka han thlang phawt a, chutah doctor emaw, TUpa emaw, chumi hnuah phei chuan ena KṚP hmél deuh leh hming nalh deuh te ka láwr ve mai ṭhìn,” a ti a. Ka ṭhian kawmngaih tak pakhat chuan, “Hmélhriatte leh véng hming langsàr deuh te ka thlan zawhah ka duh duh ka rin thai tawh mai,” a ti ve thung a. Pakhat dang leh chuan, “Tun ṭumah kha chuan kan Biala mi ka thlan hnuah kan thlennaa lo thleng ve Bial pahnih nominee-te ka thlang a, a bâk chu ka ti vèl ve mai mai. Hre hlawm hek lo i!” a ti baw! Hei hian a hmaa ka lo ngaih dân min sawhsawntírin, tuna CKṚP inthlan paltlang zo ta lo nominee-te hi tling ve thung ta zâwk se, CKṚP hi a chhe sawt ang em, tih zawhna chu awlsam angreng takin, “Chhe

sawt lo vang, a that zâwk lêm loh pawhin a ngai reng ang," tiin chhanna ka nei deuh roh tlat! Nomination siam chungchânga Bial tin ațanga rawngbâwltu senior leh tawnhriat nei ța chhawp chhuak tura beiseina chu a bo ta tial tial a, "Bial rilru a hrisël lo," ti pâwl an awm pawh hi thil mak a ni hran lo. Chutih rual chuan tling ve ngai mang lo Bialten, tling lo tûr bawkw rawt mualpho fo aia a tling ngei tûr vawrh chhuah nachâng an hria hi a hrisël loh dân hian thluak lam a khawih tel lo tih chu a chiang khawp mai! Intihhmuh vek ila CKTP chu a buai ve khawp ang le!

Rawtna lo awm tawh țin, palaite tána nominee-te profile chhawp chhuahsak dân fel tak hi zawn chhuah a hun tawh niin a lang. Kohhran leh KTP rawngbâwlna chi-ah (thil dang tel hauh lovin) inthlan hmaa palaite zir tura chhawp chhuah hian palaite a pui ngei ngei ang. A țin a nih chuan inthlan zawh ruala chûng profile-te chu khâwma tihral leh mai hi thil harsa a ni hauh lo bawkw. Aizawl Bial hrang

hrangte a inchhâwka CKTP committee nih theih dân siam mai hi a Pathian thuin a democracy hle lo mâw? Zokhaw lama unaute hian an zuam ve hle tawh tih a takin ka hre ve ta bawkw. "CKTP chu Aizawl alăwm," tih rilru an put hi tibo tûr chuan an tel ve theih dân tûr ngaihtuahpui hi a hun a, TA chauh dawngin phur takin district tin aiawh tal hi chu an tel ve thei reng tawh tih i hriatpui ang u. SEC hi entawn ve lâw lâw ila, Presbytery hrang hrang aiawh an awm vek a, an lungrualin a huap zo hle si a!

2. Hun Hman Thiam

KTP-te hemi kawngah hian kan hlawhchham chu a ni ber e. Branch programme aiin kan inkhâwmpui lian programme hi a chhangchhe zâwk mah a, hun hlu tak sênga chhimtu mipuite hmuhsitna rawng a kai thei mai ang tih a hlauhawm. Stage enkawltu, programme indawt leh kal dân lo ruahmana, a tlachawp pawha thutlûkna siamtu tûr an awm hi a hun tawh niin a lang. Khawvêl huap Reality Show lâw tak takte kan en țin

a; live show pawh ni se hun bi tuk chhúngah vek an che ìhìn tih pawh kan hai lo. Chutiang tak chu thil theih ni lo mah se, Kristian ìhalaite intawh khâwmna lian ber hian tùna kan kal dân aia ruahmanna fel leh ìha hi a phu asin!

Kan phungthlûk lutuk avàng hian hun kan va paih nasa êm! Mi ropui tak niin programme ropui tak chhim ta ila, organiser-te chuan, “Kan sàwmna ngai pawimawhin i rawn kal vang vang a, chu vàng chuan kan ngaih pawimawhzia che lantír nán minute 2 chiah thu sawina hun kan pe dáwn che a, pelh a thiàng ngang lo,” tiin min hrilh ta se ka ngai hua ang em? A teuh lo mai, minute 2 ìha ber hmang tùrin ka inbuatsaih ngâh ang!

Chutiang tak chuan delegate-te hnênah hian kan ti ve ngam dáwn lo’ m ni? A zahawmin a va mawi dáwn êm! Short play, Musical drama, Faklâm leh adt. hi minute tuk vek an ni a; mahse, an inbuatsaihna hi kan hruaitute lam ațangin vil zui tùr an awm lo a ni chék ang,

ka ta tak e ti ni àwm takin an tál chiam mai ìhìn. Minute 10 chhúnga khung tùra min beisei a nih chuan kan inbuatsaihna zawng zawng nèn, engkim minute 10 a khung tùr kan ni. Kan inpu báwr duh a ni emaw, stage lan dân kan thlák duh emaw a nih pawhin kan hun neih chhúng zéla chêt hi Bial puitling zia kan tehna tùr ni ang. Programme ruahman sa bâka request programme mai maia inham buai vak te hian chhangchhiat a tizual. Sâp an ni emaw, Taiwanese an ni emaw, Vai an ni emaw an thiama mipui an hneh hłě te a nih ngâh loh chuan, mipui hmaa vawi khat an inlanna hun siamsak hi a tâwk vèng vàvng hle a ni.

3. Bial Zaipáwl

Kár tina zir hun bi nei deuh vek kan Bial Zaipáwlte hi General Conference-ah meuh chuan beiseina sâng tak nèn kan lo thlír ìhìn a, an theihna tak tak erawh an pho chhuak lo tih a chiàng ìhìn hle. Kan kalphung ngaiyah kan su kan su a; zai thlarau loh kan hlauhna hian khàr

chhàwn boruakah min chàm̀tír reng a, kan hla thlan chungcháng leh chêt chhuah dànah hmasàwnna kawng a dǎl niin a lang hial zâwk a nih hi! Zaipáwl pakhat rawn zai hian Mizorama zaipáwl zawng zawng dinhmun (genre/style) a hril nghâl titih vek mai hi a manganthlâk a, inkhâwm ÷tum khatah zaipáwl panga emaw te kan han êk beng bawk si nèn; zaipáwl tlém zâwk, ti tak tak ngam tùr ruat chhuah mai hi inzai chhâwk satliah ai chuan kan hlut zâwk mai ang em? Tun ang tho hian zaipáwl hi tam mah se, genre hrang hrang kan din chhuahpui ngam hunah kan theihna tak tak chu a lo lang ang. Kal khat ngam Conductor kan mamawh niin a lang ta. Entír nán, Bâwngkàwn Bial Zaipáwl chuan Mizo léngkhâwm zai rawn champion pui zěl sela, chutiang bawkin Ramhlun North Bial Zaipáwl chu hymn sa thiam bíkah miin ngai thei sela, Chanmari Bial Zaipáwl chu Christian Contemporary lam nèna thlun zawm theih ni se, Dàwrpui Bial Zaipáwl hming

an sawi rualin Negro Spiritual lam rilruah lo lang thei ta se, Centenary zet lo làwm tawh Mizoram Kohhran hlunah hian hmasàwnna nasa tak a ni ngei ang.

2016 General Conference-a CF1 Choir (Welsh lam unauete) an rawn tel ve thei kha a làwmawm hle a; mahse, rual awh a tina hle mai. An zai dâwn apiang khán thil thar eng emaw beiseiin kan lo thlír ÷hìn a, kan beisei sual ngai hauh lo lehngghâl! Bial Zaipáwlte hi thlan chhuah zaipáwl kan ni a, kan hun pèk ang hu, a phu tâwk thiamna kan nei tùr a ni. Hla thar kan bawh lutuk te, hla thiam tam tum zâwng a kan kal lutuk te hian kan class a pawt hniam a; eng emaw hla bík leh hla chuam hmangtea miin min hriat hi a class a sáng hle zâwk a ni.

Nang leh kei hi KṚP ti-KṚP-tu kan nih avàngin kan inzirna tùr uar takin ka'n sawi mai a ni. Kohhran lian bera ÷thalaite hmasàwnna hi Mizoram hmasàwnna hriltu a ni thei tih hriain, ngaihtuahna zau tak nèn huaisen takin hma lam i pan ang u.

RINNA

– Rebecca Lalngaihawmi
Leitan South Branch

Rinna chungchang hi Bible-ah hmun tam takah kan hmu a, a sawi tum dan pawh a danglam thei awm e. Kan hriat thiam dan leh ngaih dan erawh a inang vek kher lo vang. Hrilhfiah dan leh sawi dan hrang hrang a awm thei ang. Thenkhat tan chuan thil awmze nei lo, sawi fiah leh finfiah (prove) theih loh, inngahna tha nei lo angah pawh a ngaih theih awm e. Rinna mitdel emaw, awmze nei lo emaw tih pawhin a sawi theih ang. Hebrai 11:1-ah chuan, “Rinna hi thil beiseite awm ngeia hriatna, thil hmuh lohte hriat fiahna a ni,” tih kan hmu. He chang hian thu tam tak a sawi thei awm e. Chuti a nih chuan inhnia na tam tak a awm thei ang. Rinna chu thil sakhat (solid/substance) emaw, khawih theih thil emaw a ni dawn em ni ang? Mahse, chu chu kan Bible chang hian a sawi tum ber a ni si lo. Rinnain Pathianin

khawvelte hi a thuin a siam fel diam tawh tih kan hmu. Rom 1:20-ah chuan, “A thil hmuh theih loh (A chatuan thiltih-theihna leh a Pathianzia) chu khawvel siam tirth ata fiah taka hmuhin a awm a, thil siamah chuan a lang a ni; chu vang chuan, chhuanlam siam tur an nei lo,” tih kan hmu baw k a. Amaherawhchu, hemi avang hian Pathian thil siam leh a mizia hi kan zir chhuak vek thei a ni chuang lo. A Thlarau Thianghlim awmpuina leh tihchakna a tang chauh lo chuan hriat fiah theih a ni lo. Mihring thiamna a tang ringawt chuan rinna hi hriat fiah theih a ni awm lo ve. Heti hian point hrang hrangin i lo thlur bing dawn teh ang.

1. RINNA LEH KEIMAH : Rinna tak leh dik chuan finfiah a dawla, a tlo hle baw k a ni. Rinna nghet chu Pathianah a in tan a, keimahnia h hmuh theihin a lo awm thin. Mi thenkhat chuan, “Rinna tam tak nei ila,” kan ti thin. A zirtirte Lal Isua hnenah, “Kan rinna tiphui deuh vang che,” tiin an dil a (Luka 17:5). Mahse, Lal Isuan an hnenah, “An tam mu

fangkhat ang rinna in neih chuan he thingtheihmu kung hnenah hian, 'Lo inphawi la, tuifinriatah lo inphun rawh,' in ti ang a, in thu a awih mai ang," tiin a chhang a. Chuvangin, Pathian kan rinna chuan thil ropui tak a ti thei a, Pathian chakna kan rinchan chuan engkim hi kan ti thei a lo ni. 'I rin chuan Pathian ropuizia chu i hmu ang' tih a nih kha.

2. RINNA LEH THILTIH :

Pathian thu chuan, "Rinna chu thiltih tel lo chuan a thi a ni," a ti a. Abraham a chuan Pathian a ring a, chu chu a felnaa ruat a ni. Pathian leh kan inkar chu kan rinnaah a inngat a, chu kan rinna chu kan thiltihah a lo lang chhuak thin. Jakoba 1:22-ah chuan, "Nimahsela, thu ngaithlatute mai ni lovin, zawmtute lo ni rawh u," tih kan hmu. Rinna leh thiltih hi a inkawp tlat a, lakhran theih a ni lo. Thiltih that ringawt hian Pathian ram min thlen dawn lo va, chutiang bawkin kan rinna ringawt hian awmzia a nei thui hek lo. Mi, Lalpaa siam thara a awm tawh chuan thil tha tih duhnain a lo khat a, Pathian Thlarau Thianghlim kaihhrui-

nain thil tha a lo ti tawh zawk thin a ni. Rinna leh thiltih hi ni leh ni eng anga lakhran theih loh a ni. Rinna chu ni a ni a, thiltih that chu ni eng zung a ni. An pahnih chuan khawvela thil nungte tan thil ropui tak an thawhsak thin. Mi tu emaw hnenah, "Ka ngaihsak lutuk che," tiin sawi ta la, eng mah tihsak ta si lo la, i thusawi chuan awmzia a nei dawn lo a ni. Chu chu rinna dik takah a chhiar theih loh vang. Pathian a awm tih kan rin ringawt hian awmzia a nei lo. Ramhuate pawhin chu chu an ring a, an khur thin asin. Chuvangin, kan rinna piah lamah hian kan thawh chhuah ve hi a tul tlat a ni. Thil tha tih tur hriaa, ti si lo chu Pathian duh dan pawh a ni lo va, sual a ni. Pathianin keimahniah chhia leh tha hriatna a dah veka, chu chu kan hman thiam a tul hle a ni. Rinna dik tak chuan dodalna a lo awmin a chak phah thin a, rinna dik lo erawh chuan a chauh phah thin. Ringtu tha chu Thlarau Thianghlimin a khat thin a, ngaihtuahna thar leh kawng tha lam beiseiin a nun a hmang tawh thin a ni.

3. RINNA LEH CHHANDAM-NA : Ephesi 2:8-ah chuan, “Rinna avanga khawngaihnaa chhandam in ni si a, nangmahni thawh chhuah a ni lo va, Pathian thilpek a ni,” tih kan hmu. He thu hi a hmaa kan sawi tawh ‘Rinna leh thiltih’ nen hian inkalh anga hriat theih pawh a ni awm e. Nimahsela, chu chu ni lovin, Pathian khawngaihna leh hmangaihna chuan A fapa Isua Kristaah chuan a lo lang chhuak a ni. Sual laka min chhandam nan khawvelah lo kalin, krawsah kan tan tuarin a thi a, thihna hnehin a tho leh ta a. Chatuan nun kan neih theih phah ta zawk a ni. Kan sawi tawh ang khan Pathian chhandamna changtute chuan thil tha tih duhna a lo nei a, anmahni ni tawh lovin Pathian tanpuina azara thil tha ti an ni lo tawh zawk a ni. Chu thil tha tih chu Pathianin kan awmna turin a lo buatsaih lawk a ni. 2 Korinth 5:17-ah chuan, “Chumi avang chuan tu pawh Kristaa a awm chuan thil siam thar a lo ni a; thil hluite chu a ral ta a: ngai teh u, a lo thar ta,” tih ziak a nih kha. Kristaa siam thara awmte tan chuan engkim hi hlimna leh

lawmna hlir a ni tawh zawk thin. Hebrai 11-na hi ‘Hall of Fame’ ti pawhin a sawi theih ang. A chhan chu Pathian tana mi ropui leh mi mi hrat khawkhengte hming tar lanna a nih vang a ni. Lalpa hmu Chiang tawhtute chuan Amah an vah bosan tawh ngai lo va, ram tha leh zual chak an lo ni tawh zawk thin. An tan lawmman hlu tak Lalpa’n a buatsaihsak chu an hmuh chian em avangin, Pathian tana tawrh chu an zak lo va; theihtawp chhuahin Lalpa tan hrehawm karah pawh an thawk tawh zawk thin. Hmuh theih loh chu an hmuh tlat avangin an tuar tan a ni.

Tlangkawmna : KTP thupuih pawh, “Thil tha ti atan Krista Isuaah chuan siama awmin, ama kutchhuak kan ni si a,” tih a nih kha. Amaha rinna nghat tlat chungin keini thalaite hian Lalpa rawng bawl tlat ila, harsatna leh sawichhiatna karah pawh Lalpa tan i ding nghet tlat zel ang u. “Thih thlengin rinawmin lo awm rawh; tichuan, nunna lallukhum ka pe ang che,” tiin Lal Isuan thu min chah a ni.

Work Camp Report :

Khakchangpara

Ristian Thalai Pawl, Salem Veng Branch chuan kum 2015 atana kan project pawimawh tak mai, Ramthar Field-a work camp chu November 2-9, 2015 chhungin Tripura Mission Field-a Tuidu Pastor Bial huam chhung Khakchangpara-ah Pathian biak in sain kan tihlawhtling thei a, kan lawm hle.

November ni 2 (Thawhtanni) KTP inkhawm banah work camp-a kal tura inpe mipa 17 leh hmeichhia 12, kan vaiin mi 29-te chu biak in kawtah chhuak khawmin, Upa Varlianzuala'n tawngtaia min thlah hnuin zan dar 9:15-ah biak in kan chhuahsan a. A tuk zing dar 4 velah Mizoram House-ah kan hahchatol zawk tih loh chu tluang taka tlanin November ni 3 (Thawhlejni) zan dar 7:10-ah Tuidu Mission Compound kan thleng a. Bialtu Pastor Rev. R.C. Lalchhuan-thanga leh thawktu dangten min lo hmuakin kan thlen in tur theuhvah min sem darh nghal a ni.

Khakchangpara

Khakchangpara hi Tuidu atanga km. 1.5 vela hlaa awm a ni a. Khaw lian lo tak niin ringthar pawh an la tam lo hle. Tuna an dinhmun

chu hetiang hi a ni: khaw chhunga in awm zat 40, kohhran member 25, danzawhkim 14, kohhran in zat 7, kohhran din kum 2014. Kohhran mite hi a tlangpuiin Debbarma, Molsom leh Koloï hnam an ni. Thawktu Pu C. Lalthanpuia kaihhruaina hnuaiiah, kohhran naupang te ni mah sela hma lam panin chak takin ke an pen ve mek a ni.

Hun hman dan tlangpui

Khakchangpara Kohhran Secretary-in a in kawta biak in atana a hman hawhtir, hlum hmanga zut phui, in lian lo tak chu a thlakna turin a chhak tlanga biak in thar, a dung ft. 25 leh a vang ft. 18-a sak chu kan hna a ni a. A hmuna thawktuten thingzai thiar leh lak khawm lamah harsatna an tawh deuh avangin, kan thlen zan hian mipa zawngin zan dar 10:30 atangin km. 1.5 vela hlaah thingzai thiar kan fan nghal a ni.

Nilaini (4.11.2015) zingkarah biak in thar tur hmunah tawngtaia inhlanin hna fan nghal a ni. Lei tlem laihzawol tur awm chu lai zawlin a remchan ang zelin hna kalpui a ni. Thingzai hi chhek khawol a rem chiah loh avangin hemi zan pawh hian thingzai kan thiar leh a ni. Ningani (5.11.2015) zingkarah hna fan lehin, nilenga kan thawh hnuin zan lam chu hla leh lam zir nan kan hmang bawk. Zirtawpni (6.11.2015) hi biak in sak zawh kan

tum ni a nih avangin member-te pawh an țang hle a. Tu mah zelthel leh awl awm lovin tlai dar 5 velah biak in sak hna chu kan zo fel thei a ni. Hemi zan hian Tuidu PYF inkhawmah telin hla pakhat kan rem bawk.

Inrinni (7.11.2015)-ah Tripura Mission Field hmunpui (Office) tlawhin Agartala kan pan a, thawktute nen inkawmna hun țha tak kan hmang thei a, a hlimawm hle. Chawohnu lam chu Agartala-a bazar-na hun atan hmangin Khakchangpara-a ringthar Pu Jiten-a te chhungkuain kan tana zanriah an lo buatsaih kil turin kan haw pheih leh a. Kan ringthar, chhungkaw khawsak pawh awlai lutuk bik lovin Lal Isua Krista avanga mi 30 vel lai tana ei tur siana an inpekna hi a hluin a ropui kan ti hle.

Pathianni (8.11.2015) chawhma hi Bialtu Pastor ruahmannain bial chhunga kohhran 5 – Singlawng, Kamikamtal, Khakchangpara, Ompinagar leh Dhanlekhahte insem darhin kan inkhawm pui a. Kan inkhawmna țheuhvah work camp-a kalten Mizo țawnga thu sawiin, kan thiam ang tawkin Pathian hmangaihna thu, ‘Chanchin Țha’ kan tlangaupui ve a. Kokborok, Kaipeng leh țawng chi dang dang hmangte nen Lal Isua faka, kan la tawn ngai loh leh dai ngai loh tih ve theihna hun rem-

chang Pathianin min siam hi kan lawm hle a ni. Zanah Tuidu kohhranah inkhawmin, kan hotupa Upa F. Rosailova’ n thuchah sawiin hla 2 kan rem bawk. Inkhawm banah a ram miten an nghahhleleh em em Cultural Programme chu Chhura Bazar (Kaipeng Bazar)-ah hmangin, zai leh lamte entirin hun hlimawm tak kan hmang bawk.

Haw kawng

Thawhțanni (9.11.2015) zing dar 7-ah Pu Ramchhannagama, Headmaster, Calvary High School-in Pathian hnena țawngtaia min thlah hnuah Tuidu Mission Compound chu kham lo leh ngai tak chungin kan chhuahsan a. Bairabi-ah zanriah rawn lam chhovin Thawhlehi (10.11.2015) zing dar 3:30-ah Salem Veng Kohhran Biak In kan thleng leh ta a ni.

Tlipna

Kan work camp chhung zawnga Pathian min hruaina avangin kan lawm em em a. Tuidu Mission Compound-a thawktuten țha taka min lo dawnsawmnaah leh kan cham chhung zawnga min țawiaawmnaah lawm thu kan sawi bawk. Ringtharten Pathian an biakna tur biak in tungding theia kan awm hi kan lawm a; khawvelah ‘Lalpa ram’ a zauh zel theih nan Kristian Țhalai Pawl member-te bang lovin i țawngțai zel ang u.

– P.C. Vanlalnunmawia
Secretary, Salem Veng Branch

RIMAWI ■■■

ZAIPAWL LEH A TEHNA

– Lalsiamkima

Kanan Veng, Aizawl



Mizoram Presbyterian Kohhran kan vanneihna em em pakhat chu, kohhran tin deuhthawin Kohhran Zaipawl kan nei thei hi a ni. Tin, mak leh ropui angreng tak chu, hnam dang ang lo takin Mizote hian a nawlpuiin zai theihna talent kan nei tha hle a, professional (Mi thiam bik) leh professional ni lem lote pawh kan zai tam lam leh kan zai nasat dan a inang tlang hle. Kan zai nasa a ni satliah lo va, kan beng hian zai hrim hrim hi a ngaithla nasa hle bawk. Kan hnam nun hrim hrim leh kan sakhua hian zai hi a ken tel nasat em vang pawh a ni thei ang.

Hetih rual hian tun hnaiah mi thusawi (comment) ka hriat fo chu – Naga hnamho music-a an sanzia te, Shillong Chamber Choir thiamzia te, Myanmar lama kan Mizo hnahtlakho music lama kan tluk lohzia te hi a ni. Dik pawh a dik thawkhat viau. Hei hian Mizorama kan

music leh zaipawlte dinhmun (standard) hi eng ang chiah nge a nih a tilangin ka hria.

Zaipawl thiam leh tha kan tihte hi eng ang hi nge? Eng nge kan tehna tlangpui? Hetiang zawng hian i han sawi kual phawt teh ang. Mihringin mawi kan tih zawng hi a inang lo thei khawp a, thenkhat tana mawi leh ropui tak pawh hi mi dang tan chuan mawi lo, bengchheng leh ninawm mai a ni thei. Chutiang bawkin thenkhat tana eng mah ni lo, zai ri satliah mai pawh hi tu emaw tan chuan lung tileng em em leh hnuok tiulh teuh thei khawpa mawi a ni leh thei thung. Mawi kan tih zawng a inang lo ang bawkin tha kan tih zawng a inang lo va, kan thinlung khawih tu pawh a inang hek lo. Chuvangin, mawi kan tih zawng leh kan thinlung hnehtu chauh hi tha bik leh dik bika ngaih tur a ni lo vang. Pathian thu pawhin mahni ta chauh en lova, mi dang ta pawh en ve thin turin min hirh kha.

Hla mawi ber berte hi music thiam bik (professional)-te a tanga chhuak a ni vek bik lo va, mi mawl ber a tng pawhin hla ropui leh mawi tak a chhuak thei. Tin, hla lar leh sak nuam apiang hi hla tha a ni chuang lo

va, hla tha tak ni si, mahse, sak nuam lo tak pawh a awm thei. Tin, music danglam bikna em em pakhat chu, music hian dan leh kalphung eng eng emaw a nei ve teuh va; mahse, hetiang dan leh kalphungte hi a thiamte chauh bawhchhiat chi a ni.

Mak ka tih thin bawk chu – Pathian hla phuahtu thenkhat, piangthar mang lo, nun thlahdah ve tak si, mahse, Pathianin an hla phuah a hmang em em si te hi a ni! Tin, kohhran ngaihsak lo leh piangthar mang lote soundtrack siam (a chang chuan ruihlo rui chung a siam te pawh a ni mahna!)-te hi kohhran rawngbawl na atan zaipawl leh mi mal zaithiamte hian kan hmang nasa hle a, tu man kan sawiselin kan iai hran lo. Pathian pawhin a hmanrua atan a hmang fo tho chu a nih hi. Hetih rual hian thlarau pawlna thuk tak atanga hla leh rimawi phuah chhuah, Pathianin a hman em em loh nia lang a awm nual bawk. Pathian hian thil tha leh tha lo te, thil mawi leh mawi lo te, thil dik leh dik lo nia langte nen lam a hmanrua atan a hmang thin chu a nih hi. Pathian hian hmanrua a va ngah em! Mi thenkhat pawlna atana Pathianin a hman hlate hi mi

dang pawl nan a hmang leh chuang lo va. Mi thenkhat tana eng mah ni lo leh mawi lo em em pawh hi mi dang pawlna hmanrua atan a hmang leh bawk thin.

Hetih rual hian kan hriat reng tur pawimawh em em chu, Pathian hian A kohhran rawngbawl hna hi a uluk a, kohhran rawngbawl na hmanrua bik turte hi a SERH HRANG thin. Serh hran chu a thianghlim a, kan zahin kan ngai pawimawh tur a ni.

Zaipawl chungchangah lut leh tawh ila. Zaipawl leh rimawi khawvelah hian a phuahtute phuah dan leh duh dan hi ngai pawimawh a ni a, tehna pawimawh tak a ni. Mizorama zaipawlte hi chuan a phuahtu duh dan leh phuah dan hi kan ngaihthah nasa hle. Mahni mawi tih zawng leh a ngaihlaturte lunglen zawng hi kan ngai pawimawh zawk tlangpui. Hla kan zira, kan han zai hian member-te leh conductor-te pawh hian a phuahtu rilru, a phuah dan leh a hlain eng nge a tum tih lam hi kan ngaihtuah ngai meuh lo awm e. Chutianga lama ngaihtuahna hmang thuk vak lovin kan zai pawp mai thin niin a lang.

Hlaah hian a phuahtu duh dan leh ngaih dante, a rilru tam zawkte chu a solfa-ah leh a hla thu-ahthe hmuh tur a awm thin. Mahse, a phuahtuin a ziah tel loh leh a sawi tel loh thil pawimawh inphum hai chhuah tur a awm thin a. Hei hi conductor-te hna pawimawh tak a ni. Hetiang thil vel hriatna (knowledge) a tang hian conductor chuan an hla sak dan turah thutlukna mumal tak a siam ang a, zaipawlte a kaihruai thin tur a ni. Hetiang lam hi music tawngkamah chuan 'Analysis & Interpretation' tih a ni. Interpretation tha hi zaipawl tha tehna pawimawh tak atan hman a ni.

Zaipawl lamah kan hnufual tih tilangtu nia ka hriat chu zaipawl, solfa leh conducting chungchang vel ziahna lehkhabu hmuh tur emaw, lei tur emaw a vang lutuk hi a ni. Conductor-te zingah hetiang lam lehkhabu nei emaw, chhiara zir thin emaw kan tam lo khawpin ka ring. A pawimawh-na kan la hre thiam tak tak lo a ni mai thei e. Conductor tam berin kan ngaihtuah lian ber chu – 'hla mawi deuh, kohhran mipuiin an duh deuh tur' tih hi a ni deuh maiin a lang.

Lehkhabu tam berin zaipawl tana pawimawh an sawi thin chu – choral tone, blending, balance, diction, intonation, rhythmic accuracy, analysis & interpretation, etc. hi a ni. Tin, zaipawl technique pawimawh langsar zualte chu energy, beauty, placement, resonance, choral warm-up, breathing, staggered breathing, forward motion, phrasing, dynamics, tone color, conducting technique, etc. hi a ni. Heng thumal (terms) pawimawh tak tak hi lehkhabu lamah chhiar tur nei lo mah ila, internet lamah hmuh tur a tam khawp mai.

Technical thil lama thiamna te, thawh rimna leh taihmakna te hi Mizote hian kan la uar lo khawp mai. Kan ngaih thlarau vak loh vang nge ni? Inbuatsaihna mumal vak lo leh thiam Chiang mang lova han zai mai te hi kan ngai thlarau zawk niin a lang thin. "Pathian ropui nan," tih tawngkam kan hman hun te hi kan inbuatsaih mang loh tum a ni duh thin khawp lehngal! Thil hahtlak kan ngaithei lo hle a, mahni nuam tih zawng kan um a, awlsam kan uar hle bawwk. Thiamna (skill) lamah kan tuihal vak lo

niin a ngaih theih. Thawh rimna tel lova malsawmna dawn hi kan hnam nun ziaah hian a bet nghet ve hrim hrim bawk a ni.

Tunlaih Kohhran Zaipawl, Bial Zaipawl leh Standing Choir hrang hrangte hi entertainment lamah kan thang nasa hle mai. Media lamah pawh hmuh nawm leh changkang tak tak hmuh tur a tam ta. Hla nalh tak tak leh dangdai tak tak ngaihthlak tur a awm ta nual mai. Hei hi thil lawmawm tak ni mah se, zaipawl nihna tak leh a technique bulpui kan ngaihthah nasa hle. 'Thang lova puitling thut' tih an sawi thin nen hian kan inhlat lo khawpin ka hria.

Vei zawng han sawi leh lawk ila. Zaipawl zai han ngaihthlak chang hian solfa dik lo leh vuak (beat & rhythm) dik lo hi hriat tur a tam thin hle. Zaipawl member mai ni lo, conductor-te pawhin solfa dik lo hi kan ngaihthah nasa hle a, 'rhythm – accent & un-accent beat' tihte hi kan ngaihtuah ngai meuh lo. Mahse, kan Kristian nuna thil dik lo leh soal kan ngaihthah nasat dan ngaihtuah hi chuan kan inhmeh tawh vel viau tho mai. Zaipawl hla ropui

bera kan neih 'Hallelujah Chorus' te hi solfa dik thlapa sa chhuak thei kan tam loh viau ka ring. Chuti chung chuan kan hla rem nasat ber pawl chu a ni tho si. Dik lo ngaihthahin kan sa liam vel mai mai thin tihna a ni. A phuahtuin a sawi dan chuan a solfa note mal zawng zawng hi vanrama Lalthutphah hmaa a char khawm a ni a, thlarau tak a ni. Tin, hetiang deuh bawh hian kan hla sak thin zingah a phuahtuten thlarau pawlna atanga an dawn tam tak a awm. Hetiang thlarau thil namnul lutuk hi kan chin loh tur niin a rinawm. Solfa dik lova zai hi a thlarau lo hle a, solfa dik thlapa zai theih hi a thlarau hleah i ngai ang u.

Kohhrana zaipawl rawngbawlna hi Pathian rawngbawlna a nih avangin thlarau thil a ni. Tunlai zaipawl member zingah leh conductor-te zingah thlarau ni tak tak an awm ta nual mai. Lawmawm tak a ni. Hei avang hi a nih ka ring thin, Pathian hian kan thiamna leh nihna tak tak aia sang leh ropuiin min lantir fova, A ropuina puan chhuah nan zaipawlte hi min la hman zel ni.

.....

HRISELNA ■■■

NGAWR

– Dr. Vanzarlina
 Medical Officer, State TB Cell
 RNTCP

Medical college-a kan kal lai khan vawi khat chu ka naute pahnih bazar châk lutuk hian, “Kan ngawr vek dawnin kan hria!” an ti a. A hun lai kha chuan a nuihzatthlak viau va; mahse, Revised National Tuberculosis Control Program-a ka luh ve tak chinah hian, nuih a za ta lo khawp mai. Tuberculosis (TB) tih thumal hi chu kan hre fo tawh ang a, TB hi Mizo tawng chuan ngawr a ni tih hria erawh hi chu tlem te chauh kan ni awm e. He article hi i lo chhiar fuh ve a nih hlah chuan i lo hre reng tawh dawn nia.

TB hi natna inkai chhawn theih, mycobacterium tuberculosis natna hrik vanga lo awm a ni a. Droplet infection kan tih mai, khuh leh khak atanga si per, boruaka leng vel kan hîp luh avanga lo inñan ta thin a ni. Mi 10 zela 4 hian a natna hrik hi kan pai nia chhut a ni a; mahse, a hrik pai nazawng hian a natna hi an vei kher lo a ni. Hriat chhuah loh leh damdawi ei that loh chuan

natna hlahhawm tak a ni a, a hun taka hmuhchhuaha damdawi tha taka ei erawh chuan natna dam awlsam tak a ni lawi si a ni. Mi thiamten an chhut dan chuan kum 5,000 kal ta khan Africa ram atangin mihring hian TB hi an vei tan daih tawh a, India ramah chuan kum 1500 vel kal ta khan TB hi kan hmehhriat tan a ni. 1882 bawr vel daih tawh khan German mi thiam, Robert Koch-a'n a natna hrik hi a lo hmuchhuak tawh a, kum zabi 18 leh 19-na inkar khan TB hian khawvelah buaipui a hlawh hle.

Mizote hian, inla changkang viau ve ti lo chuan mawlna lai tam tak kan la nei tlat a, kum 2016 a ni tawh chung pawh hian TB natna leh a veite hi lo tawngpawng hlah tawh kan la tam nia! TB chauh ni lovin HIV/AIDS te, Hepatitis thleng te pawn zuk nia! Hei hi a chhan bulpui ber chu AWARENESS kan neih that loh vang a ni. Tu thiam loh nge? E le, nangmah. TV-ah te, chanchinbuah te, leaflet te, brochure te i hmu fo tawh thin ang. Khawlai leh zin kawngah te, PHC/CHC-ah te hoarding i hmu ngei thin ang. World TB Day-ah te, eng day day emawah te chuan TB hi a thawktute hian kan lam ri fo va; mahse, i bengkhawn si loh chuan, a va tangkai nep si ve!


Ṭanrual chu chakna a ni an tih kha. TB vei mek leh an chungte leh RNTCP thawktute chauh mawhpurhna a ni miah lo a nia aw. I tel lo chuan he natna hi kan do thei miah lo a nia. RNCTP-ah hian thawktu 100 vel bak kan awm lo va, Mizoramah hian mihring 11,66,000 chuang kan awm si a, min puih loh chuan kan tan hian thil awlai lo tak a ni.

Hetianga hi kan dinhmun a nih si chuan, TB chungchanga i hriat tur pawimawh zual ka'n hrilh zung zung ang che. TB theh darhtu hlauhawm ber chu TB vei tih inhre lo, cough etiquettes hre bawk si loho te; TB vei tih hriat chian, enkawl na pek si loh te an ni. Miin TB a vei a ni tih kan hriat chhuah thuaia, damdawi kan pek nghala, kim biaia a ei char char chuan kar hnih hnu lekah a hrik kha mi dang a kai thei tawh lo. Chuti lova TB vei hmuhchhuah lohte chuan kum khat chhungin mi 10–15 an kai chhawng thei a, kum 2/3 thleng a hrik kha mi dang a kai darh thei a ni. Kum 2/3 chhung khan damdawi a ei loh chuan a natna kha a thihpui a rinawm viau. Kan thih leh dam chu Pathian thu thu ni se. A vauvin kan invau lo chauh ta bawk a, TB kan vei leh vei loh engtin nge kan inrinhlelh ang?

- Khuh – Kar 2 emaw, a aia rei emaw.
- Khawsik – A bikin tlai lama sik ser ser.
- Khaka thisen tel.
- Awm na.
- Thaw hah.
- Chau hma/Zawi ngawih ngawih.
- Rihna tlahniam.
- Chaw ei tui lo/ei thei lo.

Hetianga tu emaw a awm a nih chuan TB rinhlelh tur a ni. A finfiahna hmun hi Mizoram dung leh vangah hian hmun 34-ah kan nei a, heng hmunahte hian a thlawn vekin khak a test theih a ni. TB vei hmuhchhuah an nih chuan a thlawn vekin damdawi an dawng ang a, damlovin damdawi a ei zawh hunah Rs. 750 thleng pawisa a dawng thei a, a damlo mai ni lovin a damdawi petu hian a damlo enkawl azirin Rs. 1,000, Rs 1,500 leh Rs. 5,000 thlengin lawman a dawng thei a ni!

Kan Zotlang ram nuamah hian kum tin mi 2,000 bawr vel hian TB hi an vei thar ṭhin a, vanneihthlak takin 90% aia tam mah an dam leh ṭhin. Multi Drug Resistant TB (MDR-TB), TB benvawn kan tih mai ṭhin, TB damdawi pangngai in a tihdam zawh tawh loh kan ngah hma hian tun hi ṭan lak hun lai tak a ni e.



KANTU

Mualveng Br.

Mualveng Branch KṚP hi March ni 7, 1977-ah khan din a ni a. Mizoram buai lai khan kum 1968-ah Mualkawi khua chu Ruantlangah khawm a ni a, kum 1971-a mahni khaw lama let leh theih a nih khan tam tak chu an let leh a. A let lehte chu Mualkawi Branch tih an ni a, let ve lo awm hlen tate chu Mualveng Branch tih an lo ni ta a ni.

Tunah hian member 105, mipa 75 leh hmeichhia 30 an awm mek a. Branch Committee member hi mi 18 an awm a, thla tin Ningani zan hnuhnung berah Branch Official Committee an nei ṭhin a, Faith Promise Ip an hawng nghal ṭhin bawk. Bial rukah inṭhenin O.B.-ten bial an wawng a, thla tin bial hi an fang ṭhin a ni. Branch tihchak nan group pahnih – Josua leh Kaleba-ahte an inṭhen a ni a. Kumina group budget atan

Rs. 10,000/- intukin group-te hian an budget hi an tlak tawh a ni. Branch hnuaih hian sub-committee hrang hrang – Reception, Programme, Evangelical Cell, Banner and Decoration, Refreshment, Ushering leh Property-te din a ni.

Kum 2002 aṭang khan branch chanchinbu ‘Jehova Jire’ chu Pathianni apiangin chhuah ṭhin a ni a, kohhran thil pawimawh inhriattir nan an hmang ṭangkai hle. Pathianni zan leh Nilai zan inkhawm banah biak inah ṭawngṭaina hun an hmang ṭhin. Harsatna dang a awm loh chuan Pathianni tlai apiangin fellowship an nei ṭhin a, hemi hun hi Branch Kum Puan ‘Solfa Zir Uar’ bawhzui nan leh hla zir nan an hmang ṭhin a, item chi hrang hrang an nei ṭhin bawk. Tin, Group budget, Faith

Promised, Inkhawm Thawh-lawm, Branch hnatlanga inhlawh te hi an sum hmuhna tlangpui a ni. Thawhtan zan inkhawm hi Sermon, Sharing, Kumpuan Thupui zirho na atan an hmang thin a. Branch Rising Day, Half Year Meet, Advance Christmas te hlawhtling takin an hmang thin a. KTP Inkhawm, Fellowship, Branch Hnatlang, Inkhawm thawhlawm leh hlazir tamah te group inelna an nei thin a, Member ten an hlawkpui thin hle.

An member biak in hawnga innei an awmin

lawmpui nan Rs. 1,500/- leh citation hlan thin an ni a, an member chatuan ram pan an awmin Rs. 1,000/- in an ral thin bawk.

Central KTP leh Bial KTP atanga tih tur awmte tha takin an tihlawhting thei thin a, Kohhran Zaipawltan kohhran programme pawimawhah hla an rem thei thin bawk. Veng chhunga damlo an awmin sumfaiin an kan thin a ni. An branch atangin missionary 1 leh Pro. Pastor 1 an chhuak tawh a. Tin, Kristian Thalai chanchinbu hi copy 25 an la mek bawk.



PATHIAN THU ZIR DUH TAN

Presbyterian Bible School, Mission Veng, Aizawlah C.Th. (Certificate in Theology) zir tur lak a ni leh dawn a, dil duh chuan heng hi hriat tur a ni e:

1. Admission Form, office-ah Rs. 10/-a lei tur a ni a, August 25, 2016 (Ningani) chawhnu dar 3:00 thleng PBS Office-ah theh luh theih a ni. Diltu chu Class VII pass, kum 16 aia naupang lo, kohhran dan chhunga awm a ni tur a ni.
2. August 30, 2016 (Thawhlejni) chawhma dar 10:00-ah interview tur a ni a, September 5, 2016 (Zirtawpni)-ah class tan a ni ang
3. Zir hun chhung thla li, i.e. September–December, 2016 a ni. Hre Chiang duh tan Phone No. 2317343/2325082/9436198231-ah zawh fiah theih a ni. Hostel a awm lo.

Rev. Lalneihvura
Principal, Presbyterian Bible School

Keimahní



■ **ZEMABAWK BRANCH** : May 8, 2016 (Pathianni) zan khan KṮP, Zemabawk Branch Diamond Jubilee lawmna hmanpuiin Rev. Zothansanga (Leader) leh Dr. Lalrotluanga-te an kal a, Rev. Zothansanga, Leader-in thuchah a sawi.

■ **ZEMABAWK NORTH BIAL** : May 21, 2016 (Inrinni) khan Zemabawk East Kohhranah Zemabawk North Bial Leadership training neihpuiin Tv. Joseph Lalsangzuala leh Tv. Robert Lalduhzuala-te an kal a. Tv. Robert Lalduhzualan chawhma hun changin 'Hruaitu nihna leh mawhphurhna' tih a sawi a, Tv. Joseph Lalsangzualan chawhnu lamah 'Pawl inrelbawl dan leh committee kalhmang' tih a sawi thung. Training-ah hian mi 85 an tel a ni.

■ **CHAWNGTLAI BIAL** : May 26–27, 2016 khan Tualte Kohhranah Chawngtlai Bial Leadership Training neihpuiin Pu Vanlalpeka (Finance Secy.) leh T.Upa Zomuana Raltete an kal a. May 26, 2016 zan dar 7:30-ah Bial hruaitute nen inkawm ho a ni a, a tuk May 27, 2016 nilengin Leadership Training buatsaih a ni. Chawhmaah Finance Secretary, Pu Vanlalpekan hun a hman a, chawhnu lamah T.Upa Zomuana Raltein hun a hman a. Leadership Training Programme hman zawh hian Pu Vanlalpeka hovin Sound Training neih chhonzawm a ni a, T.Upa Zomuana Ralte hovin, sum vawngtute pualin account chungchangah training neih a ni leh bawk. Training-ah hian mi 80 vel zet an tel a ni. Zan lamah Variety Programme hlimawm tak hman a ni a, Pu Vanlalpeka leh T.Upa Zomuana Ralteten thuchah tawi an sawi bawk.

■ **DURLANG BIAL** : May 29, 2016 (Pathianni) zan khan Durtlang North Kohhran Biak Inah Durtlang Bial KṮP Diamond Jubilee lawmna hmanpuiin Rev. Zothansanga

(Leader) leh Dr. David C. Vanlalfakawma-te an kal a, Leader Rev. Zothansangan thuchah a sawi. CKTP aiawha kalte leh Mizoram Synod Choir member-te hnenah Diamond Jubilee Souvenir a thlawnin an pe a ni.

■ **MSACS CONSULTATION** : April 20, 2016 khan MSACS buatsaih *Consultation on the Role of Churches in Prevention of HIV Transmission and Drugs Abuse*, Aijal Club Conference Hall-a buatsaihah CKTP aiawhin Upa Rosangliana leh NI. Lalfamkimi-te an kal.

■ **AVBD SILVER JUBILEE** : May 10, 2016 khan Association for Voluntary Blood Donation (AVBD) Silver Jubilee lawmna, Synod Higher Secondary School-ah CKTP Office Bearer-te min sawmna angin Upa Zonunmawia (GS), Pu Ngurhmingliana (Asst. Leader), Pu P.C. Biakmuanpuia (Asst. Secy.) leh Pu Zonunsanga Ralte (Treasurer)-te an kal a. General Secretary Upa Zonunmawian hunserh a hmang.

■ **CKTP ORIENTATION-CUM-RETREAT** : May 13-14, 2016 khan Synod Conference Centre-ah riak lutin CKTP Orientation-cum-Retreat tluang taka hman a ni. A programme hi hun thumah thenin hun khatna chu Asst. Leader Pu Ngurhminglian an kaihruaiin Rev. B. Sangthanga, Executive Secretary i/c KTP-in thuchah a sawi a. Hun hnihna chu Pu P.C. Biakmuanpuia, Asst. Secy-in a kaihruai a, Leader Rev. Zothansangan thuchah a sawi a; Gen. Secy. Upa Zonunmawian Central KTP kalphung hrilhfiain zawhna leh chhanna hun leh sharing hun hman nghal a ni. Hun then thumna Finance Secy. Pu Vanlalpekan a kaihruai a; Rev. K. Lalrinmawia, Synod Mission Board Secretary-in hun a hmang a, zawhna leh chhanna hun hman zui a ni bawk.

■ **UCPI NATIONAL MEETING** : United Christian Prayer for India (UCPI) atangin May 12-13, 2016 chhunga Youth Leaders' Meeting, Hyderabad-a tel tura sawmna kan hmu a. Sawmna hi Senior Executive Secretary kaltlangrawn thawn a ni. Hetih hun lai tak hi CKTP Orientation-cum-Retreat kan neih hun tur a nih avangin kan tel theih dawn loh thu hriattir a ni a. Senior Exe. Secretary thurawn angin KTP, Mission Veng Branch

lamah a kal tur lo inzawng tura ngen a ni a. KṚP, Mission Veng Branch aṅang hian Branch Committee member NI. Lalthawm-mawii Rokhum leh Tv. Jerry Zoremsanga-te an kal.

■ **NEICC BIENNIAL SESSION** : NEICC Biennial Session wawi 2-na (May19-22, 2016), Serkawn Baptist Biak Ina nghahah Pu Vanlalpeka (Finance Secretary) chu OM-in a ruat angin Mizoram Synod aiawha palai zingah a tel.

■ **CKṚP OFFICE-A THAWKTU** : CKṚP Office-a daily basis-a thawk mek Tv. C. Lalremruata chu April, 2016–March, 2017 thlengin a thawh hun pawh sei belhsak a ni (MS/GEN-2/2016/17).

■ **BRANCH DING THAR REPORT:**

1. Chawngte P Bialah February 20, 2016-ah Chawngtelui Branch KṚP din a ni a, member 23 an awm (Din thar leh).

2. Ṛawipui North II Bialah Ṛawipui N-1 Branch, February 21, 2016 khan din a ni a, member 17, mipa 12 leh hmeichhia 5 an awm.

3. Serchhip Bialah April 1, 2016 khan Serchhip Chanmari Vengthar Branch din a ni a, member 35, mipa 23 leh hmeichhia 12 an awm.

4. Chawngte P Bialah April 15, 2016 khan Saizawh West Branch KṚP din a ni a, member 13 an awm.

5. Tuithumhnar Bialah April 17, 2016 khan Sabualtlang Branch din a ni a, member 100, mipa 52 leh hmeichhia 48 an awm.

6. Bungkawn Bialah Nursery Venglai Branch KṚP chu April 18, 2016 khan din a ni a, member 135, mipa 86 leh hmeichhia 49 an awm.

7. Bethlehem Bial chhungah KṚP, Bethlehem North Branch chu May 2, 2016 khan din a ni a, member 270, mipa 178 leh hmeichhia 92 an awm.

■ **BANK OPERATOR THLAK THU** : Meeting hmasaa rel angin State Bank of India (SBI) leh Mizoram Cooperative Apex Bank (MCAB)-a CKṚP Account operator-te inthlakna tihfel a ni tawh a (CKṚP 688:IX). Operator atan hian Treasurer leh General Secretary-te hming pek a ni a. Kristian Ṛhalai chanchinbu account pawh Manager leh Editor tharte hminga thlak nghal a ni.

■ **SYNOD CHOIR RUAT THAR** : June ni 9, 2016 (Ningani) 7:00 pm khan Mizoram Synod Choir member tharte Hlanna Programme, Synod Conference Centre-ah neih a ni. He hun hi Pu Ngurhmingliana (Asst. Leader)-in a kaihruai a. Report leh Inhmelhriattirna hun Pu P.C. Biakmuanpuia, Asst. Secy.-in a hmang a; Pu K. Lalruatpuia, C/M-in thu a sawi. Hemi zawh hian Rev. H. Lalrinmawia, Synod Moderator-in Synod Choir member tharte hi Pathian hnenah a hlan a. Hlanna hun hman zawhah Rev. Zothansanga, Leader-in thuchah a sawi a; chumi zawhah Rev. B. Sangthanga, Executive Secretary i/c KṚP-in malsawmnain a ṭin a ni. Synod Choir member-te tan hian Pathian ṭanpuina dilin i ṭawngṭai zel ang u.

Synod Choir (2016–2018)

Director : Pu K. Lalruatpuia (Committee Member, CKṚP)

Conductor : Pu Lallianmawia Tlau, Zemabawk

Member-te

Sl.No.	HMING	BRANCH	BIAL
1.	K. Lalremzuali	Dinthar	Dawrpui Vengthar
2.	K. Lalrampani	Chanmari	Chanmari
3.	Lalremsiami	Dam Veng	Venghnuai
4.	H. Lalthlanliani	Ramthar North	Ramthar
5.	Zomuanpuui	Khatla South	Khatla
6.	Grace Lalkhawngaihi	Zarkawt	Dawrpui
7.	Lalrammuanpuui	Bethlehem	Bethlehem
8.	K. Lalremruati	Republic Veng	Republic Veng
9.	Lalngaihzuali	Vaivakawn Vengthlang	Vaivakawn
10.	Rinhlnunengi	Bungkaw	Bungkaw
11.	Lalbiakdiki	Chhinga Veng East	Chhinga Veng
12.	Rebecca Lalenkawli	I.T.I. Vengchhak	I.T.I. Veng
13.	Thangdailova	Ramhlun Vengthlang	Ramhlun Vengthar
14.	Lalrinzuala	Electric Veng	Electric Veng
15.	T. Laldintluanga	Ramhlun North	Ramhlun North
16.	P.C. Lalhruaizela	Govt. Complex	Zonuam
17.	R. Lalchhuanawma	Leitan Ramthar	Leitan
18.	Jerome Lalhuapzova	Chaltlang South	Chaltlang
19.	Zoramṭana Ralte	Bawngkaw	Bawngkaw
20.	Lalremsanga	Zotlang	Chawnpui
21.	R. Lalhmingsanga	Chawlhmun	Luangmual
22.	K. Mawizuala	Ramhlun Vengchhak	Ramhlun
23.	Zothanmawia	Mission Vengthlang	Mission Vengthlang
24.	Lalbiakṭhuama	Tuikual North	Tuikual

SYNOD CHOIR RAWNGBAWLNA:

- 1. MAWSYNRAM:** 42nd. Presbyterian Church of India (PCI) General Assembly, Mawsynram-anhahah April 30 - May 1, 2016 khan wawi 4 dinah hla 4 an rem.
- 2. ZEMABAWK BIAK IN:** May 9, 2016 (Thawhŋan) zan khan Zemabawk Branch KŲP diamond jubilee lawmna Zemabawk Kohhran Biak Inah, wawi 2 dinah hla 5 an rem.
- 3. SERKAWN BIAK IN:** 2nd. NEICC Biennial Session, Serkawon Baptist Kohhran Biak Inah May 21-22 khan tum 4 dinah hla 4 an rem.
- 4. ITI BIAK IN:** May 29, 2016 (Pathianni) chawhma khan SMB Home Mission & Cachar Tlangram Missionary Retreat, ITI Kohhran Biak Inah wawi 1 dinah hla 1 an rem.
- 5. DURTLANG NORTH BIAK IN:** May 29, 2016 (Pathianni) zana h Durtlang Bial KŲP diamond jubilee lawmna, Durtlang North Kohhran Biak Inah, wawi 2 dinah hla 3 an rem.

CENTRAL K.Ų.P. HRUAITUTE, 2016-2018

Office Bearers

Leader	:	Rev. Zothansanga	9436365426
Asst. Leader	:	Pu Ngurhmingliana	9436374104
Gen. Secretary	:	Upa Zonunmawia	9436152024
Asst. Secretary	:	Pu P.C. Biakmuanpuia	9436374833
Treasurer	:	Pu Zonunsanga Ralte	9402113038
Fin. Secretary	:	Pu Vanlalpeka	9436153728

Committee Members

Tv. Joseph Lalsangzuala	9436152063	Pu Lalchhuanliana	9862364583
Pu K. Lalruatpuia	9862577177	T.Upa Lalrinawma	9436152297
Pu Lalhnehzova	8119947974	Pu F. Lalremruata	9862561961
T.Upa H. Ramnunsanga	9436152320	T.Upa Zomuana Ralte	8794722319
Nl. Lalfamkimi	9436365245	Pu P.C. Lalropuia	9863144485
Upa Rosangliana	9612166769	Pu Lalmuanawma	9436196515
Dr. Lalrotluanga	9436153937	T. Upa Ricky Lalammawia Ralte	9862387308
Dr. David C. Vantalfakawma	9436156561	Tv. Robert Lalduhzuala	9862368012
T.Upa Lalmuanpuia	9436142398		

Ex-Officio Members

Rev. H. Lalrinmawia	-	Synod Moderator
Upa H. Ronghaka	-	Synod Secretary (Sr.)
Rev. B. Sangthanga	-	Executive Secretary, i/c KŲP



Postal Regn. no. MZR/81/2015-2017
RNI No. MIZMIZ/2009/29074



Chawngtlai Bial Leadership Training (26-27.5.2016)



Salem Branch Work Camp @ Khahchangpara



Kantu : Mualveng Branch

Printed and Published by Zonunmawia, Synod Office, Mission Veng on behalf of Kristian Thalai Fellowship
Edited by Lalchhuanliana and printed at Synod Press, Mission Veng, Aizawl, Mizoram. Copies - 41,500